

VROJTIMI I QUMËSHTIT DHE NËNPRODUKTEVE TË TIJ

Metadata Referenciale në format Euro SDMX Metadata Structure
(ESMS)

Metadata Referenciale

1. Kontakt.....	2
2. Përditësimi i metadatave	2
3. Paraqitja statistikore	2
4. Njësia matëse	4
5. Periudha e referencës	4
6. Mandati institucional.....	4
7. Konfidencialiteti	5
8. Politika e botimit	6
9. Shpeshësia e shpërndarjes.....	6
10. Aksesit në të dhëna dhe qartësia	6
11. Menaxhimi i cilësisë	7
12. Rëndësia	8
13. Saktësia dhe besueshmëria.....	8
14. Afatet kohore dhe përpikëria.....	10
15. Koherenca dhe Krahueshmëria	10
16. Kostoja dhe ngarkesa	10
17. Rishikimi i të dhënave.....	11
18. Përpunimi statistikor	11
19. Komentet	13
Aneks	13

1. Kontakt	
1.1. Institucioni i kontaktit	Instituti i Statistikave, INSTAT
1.2. Njësia e kontaktit	Sektori i Statistikave të Blegtorisë dhe Peshkimit, Drejtoria e Statistikave të Bujqësisë dhe Mjedisit.
1.3. Personi i kontaktit	Erinda Sulstarova
1.4. Funkcioni i personit të kontaktit	Përgjegjës në Sektorin e Statistikave të Blegtorisë dhe Peshkimit
1.5. Adresa postare	Rr. Vllazën Huta, Ndërtesa 35, Hyrja 1, Tiranë, Kodi Postar 1017
1.6. Adresa elektronike (e-mail)	esulstarova@instat.gov.al
1.7. Numri i telefonit	+(355) 4 2222411 / +(355) 4 2233356
1.8. Numri i faksit	+355 4 2228300
2. Përditësimi i metadatave	
2.1. Certifikimi i fundit i metadatës	10.07.2026
2.2. Publikimi i fundit i metadatës	10.07.2026
2.3. Përditësimi i fundit i metadatës	10.07.2026
3. Paraqitja statistikore	
3.1. Përshkrimi i të dhënave	Vrojtimi i Qumështit dhe Nënprodukteve të tij është një studim statistikor i kryer në ndërmarrjet që mbledhin dhe përpunojnë qumështin në territorin e Republikës së Shqipërisë. Qëllimi kryesor i vërtetimit vjetor të qumështit është të sigurojë informacion të plotë për sasinë e qumështit të përpunuar të mbledhur nga subjektet që përpunojnë (të gjitha llojet e qumështit) dhe nënprodukteve të tij. Gjithashtu sigurohet informacion lidhur me përmbajtjen mesatare të yndyrës dhe proteinave në qumështin e grumbulluar.
3.2. Sistemi i klasifikimit	Përkufizimet janë në përputhje me rregulloret dhe vendimet e Eurostat: Vendimet të Komisionit Nr.97/80/EC , që përcakton dispozitat për zbatimin e Direktivës së Këshillit Nr.96/16/EC mbi Vërtetimi i Qumështit dhe Nënprodukteve të tij.

	Klasifikime të tjera të përdorura në Vrojtimi i Qumështit dhe Nënprodukteve të tij janë si më poshtë: • Rregullore (KE) Nr.1165/2008 për “Statistikat e Blektorisë dhe Mishit” • NVE Rev. 2.1 – Klasifikimi statistikor i veprimtarive ekonomike në Bashkimin Evropian – Botimi 2025.
3.3. Mbulimi i sektorit	Informacioni statistikor mbulon të dhëna mbi ndërmarrjet të cilat operojnë në fushën e grumbullimit dhe përpunimit të produkteve të qumështit në NVE 10.51. Rritja e gjedhëve për qumësht në NVE 01.41 dhe Rritja e dhenve dhe dhive në NVE 01.45, sipas Klasifikimit të Aktiviteteve Ekonomike NVE Rev.2.1.
3.4. Konceptet statistikore dhe përkufizimet	Sasitë e prodhuara të produkteve të qumështit: Të dhënat përfaqësojnë shumën e të gjitha produkteve të qumështit të prodhuara gjatë vitit referues. Qumësht për konsum: Qumështi i prodhuar për konsum në paketime prej 2 litrash ose më pak. Përfshin qumështin e papërpunuar, qumështin e përpunuar, qumështin gjysmë të skremuar dhe qumështin e skremuar. Qumësht i pasterizuar: Qumësht që i është nënshtruar për një kohë të shkurtër temperaturave të larta për të shkatërruar mikroorganizmat dhe për të parandaluar fermentimin. Qumësht UHT: Qumësht i trajtuar me temperaturë ultra të lartë (Ultra High Temperature – UHT), mbi 135 °C, për të siguruar ruajtje më të gjatë. Dhallë: Produkti i mbetur (acid ose i acidifikuar) nga përpunimi i qumështit ose kremit në gjalpë. Krem: Shtresa e yndyrës që formohet natyrshëm në sipërfaqen e qumështit. Përfshihet duke u skremuar nga sipërfaqja e qumështit ose duke u nxjerrë nga qumështi me anë të centrifugimit. Kremi ka përmbajtje të lartë yndyre (zakonisht mbi 10%). Përfshin kremin për konsum të drejtpërdrejtë, me përmbajtje më të madhe ose më të vogël se 29% yndyrë qumështi. Produkte të acidifikuara të qumështit: Përfshijnë kosin, kosin e pijshëm, qumështin e thartë, qumështin e acidifikuar dhe produkte të tjera të fermentuara. Gjalpë dhe produkte të tjera yndyrore të verdha: Produkte me përmbajtje yndyre qumështi prej 82% të peshës së produktit, përmbajtje maksimale uji 16% dhe përmbajtje maksimale të lëndës së thatë pa yndyrë prej 2%. Djathë: Produkt i freskët ose i maturuar, i ngurtë ose gjysmë i ngurtë, i përfshuar nga koagulimi i qumështit të skremuar, gjysmë të skremuar, kremit, kremit të hirrës ose dhallës, veçmas ose në kombinim, me veprimin e mullëzës ose agjentëve të tjerë të përshtatshëm koagulues.

	Djathë i butë: Djathë me përmbajtje lagështie mbi bazën pa yndyrë (MFFB – Moisture on a Fat-Free Basis) jo më pak se 68%. Djathë gjysmë i butë: Djathë me MFFB jo më pak se 62% dhe më pak se 68%. Djathë gjysmë i fortë: Djathë me MFFB jo më pak se 55% dhe më pak se 62%. Djathë i fortë: Djathë me MFFB jo më pak se 47% dhe më pak se 55%. Djathë i freskët: Produkt i përfutur nga qumështi i fermentuar, nga i cili është hequr pjesa më e madhe e hirrës (p.sh. nëpërmjet kullimit ose presimit). Përfshin gjithashtu gjizën (me përjashtim të gjizës në formë pluhuri) që përmban deri në 30% të peshës së saj në formën e sheqerit dhe frutave të shtuara. Përfshin edhe djathin e freskët të hirrës (i përfutur nga përqendrimi i hirrës dhe shtimi i qumështit ose yndyrës së qumështit).
3.5. Njësia statistikore	Njësia statistikore e vrojtuar është Ndërmarrja.
3.6. Popullata statistikore	Vrojtimi i Qumështit dhe Nënprodukteve të tij përfshijnë të gjitha ndërmarrjet aktive në Shqipëri, të të gjitha formave ligjore, nga Regjistri Statistikor i Ndërmarrjeve (i vitit të mbyllur), të cilat grumbullojnë dhe përpunojnë qumësht sipas Aktivitetit Ekonomik NVE Rev.2.1, respektivisht në NVE 01.41, 01.45 dhe 10.51.
3.7. Zona e referencës	Vrojtimi i Qumështit dhe Nënprodukteve të tij mbulojnë të gjithë territorin e Republikës së Shqipërisë.
3.8. Mbulimi në kohë	Të dhënat e Vrojimit të Qumështit dhe Nënprodukteve të tij j datojnë që nga viti 2014.
3.9. Periudha bazë	Nuk aplikohet
4. Njësia matëse	
4.1 Njësia matëse	Njësitë matëse të përdorura janë: mijë ton, kg dhe përqindje (%).
5. Periudha e referencës	
5.1 Periudha e referencës	Të dhënat Vrojtimi i Qumështit dhe Nënprodukteve të tij i referohen vitit kalendarik 1 janar 2025–31 dhjetor 2025.
6. Mandati institucional	
6.1. Akte ligjore dhe marrëveshje të tjera	Baza ligjore për mbledhjen e Statistikave Bujqësore dhe Blektorale janë:

	• Ligjin Nr. 17/2018 për Statistikat Zyrtare; • Programi Kombëtar i Statistikave Zyrtare 2022-2026; • Rregullore (KE) Nr.1165/2008 për “Statistikat e Blektorisë dhe Mishit. Klasifikimet dhe përkufizimet sipas rregulloreve përkatëse të BE-së. • Direktiva e Këshillit 96/16/KE për Vrojtimi i Qumështit dhe Nënprodukteve të tij; • Rregullorja e KC Nr. 1242/2008 mbi Tipologjinë e Njësive Bujqësore; • NVE Rev.2.1 - Nomenklatura e Aktiviteteve Ekonomike.
6.2. Shkëmbimi i të dhënave	Vrojtimi i Qumështit dhe Nënprodukteve të tij transmetohen në Eurostat nëpërmjet platformës eDAMIS.
7. Konfidencialiteti	
7.1. Konfidencialiteti-politika	Të dhënat e mbledhura konsiderohen rreptësisht konfidenciale dhe përdoren vetëm për qëllime statistikore dhe kërkime shkencore në përputhje me Ligjin Nr. 17/2018 për Statistikat Zyrtare, si dhe Ligjin Nr. 124/2024 për Mbrojtjen e të Dhënave Personale. Neni 31 i ligjit për statistikat zyrtare përcakton qartë që i gjithë informacioni statistikor i mbledhur nga INSTAT është konfidencial dhe mund të përdoret ose botohet vetëm në tabela përmbledhëse të tilla që nuk identifikojnë njësinë burim të informacionit. Identifikim i drejtpërdrejtë quhet kur një njësi statistikore identifikohet drejtpërdrejt nga emri, adresa ose ndonjë numër identifikimi i njohur zyrtarisht. Kur përpunimi i të dhënave kryhet në mënyrë të tillë që mundëson identifikimin e subjektit të të dhënave, të dhënat duhet të kodohen menjëherë, në mënyrë që subjektet të mos jenë më të identifikueshëm.
7.2. Konfidencialiteti-trajtimi i të dhënave	INSTAT mbron dhe nuk shpërndan të dhënat që ka mbledhur ose që ka akses, të cilat mundësojnë identifikimin e drejtpërdrejtë ose të tërthortë të njësive statistikore. INSTAT ndërmerr të gjitha masat e duhura për të parandaluar dhe bërë të pamundur identifikimin e njësive statistikore përmes mjeteve teknike të tjera që mund të përdoren nga palët e treta. Të dhënat statistikore që mund të bëjnë të mundur identifikimin e njësisë statistikore, shpërndahen nga INSTAT vetëm në rast se: a) Këto të dhëna janë trajtuar, siç është përcaktuar në mënyrë të veçantë në Rregullore, këto të dhëna janë trajtuar në mënyrë të atillë, sa nuk krijon paragjykim në lidhje me konfidencialitetin statistikor; ose b) Njësia statistikore ka dhënë miratimin përkatës për bërjen publike të të dhënave. Të dhënat konfidenciale i përcillen INSTAT-it vetëm për qëllime statistikore dhe vetëm personat që kanë të drejtë akses tek to, mund të punojnë me to. Çështjet dhe problemet në lidhje me ruajtjen e konfidencialitetit statistikor verifikohen dhe trajtohen nga stafi i INSTAT. Përgjegjësitë e këtij stafi, janë të përcaktojë shkallën e detajimit që mund të shpërndahet dhe të bëhet publike nga

	INSTAT. Përgjegjësitë e këtij stafi janë të rekomandojë se: në cilin nivel detajimi mund të shpërndahen të dhënat statistikore, në mënyrë që identifikimi i drejtpërdrejtë ose indirekt, i njësive statistikore të vrojtuar të mos jetë i mundur; kriteret e anonimizimit për mikrodatat që u janë dhënë përdoruesve; dhënia e hyrjes për hulumtuesit në të dhëna konfidenciale për qëllime shkencore.
8. Politika e botimit	
8.1. Kalendar i publikimeve	Njoftimet në lidhje me shpërndarjen e statistikave janë botuar në kalendarin e publikimit, i cili është në dispozicion në faqen e internetit. Njoftime dhe vonesat janë para-njoftuar në këtë kalendar.
8.2. Akses në kalendarin e publikimeve	Kalendar i publikimeve është i disponueshëm në faqen e internetit të INSTAT.
8.3. Akses i përdoruesve	Në përputhje me nenin 34 të Ligjit Nr 17/2018 për “Statistikat Zyrtare”, statistikave zyrtare shpërndahen në mënyrë që të gjithë përdoruesit të kenë të drejtë të menjëhershme dhe të barabartë, përdoren të gjitha format e mundshme të medias. INSTAT-i dhe agjencitë statistikore, duke pasur në program përgjegjësitë për shpërndarjen, kërkojnë të përmbushin çdo kërkesë të çdo organizate ose individi, për të dhëna të pabotuara ose analiza të veçanta. Kanalet nga të cilat përdoruesit mund të marrin rezultatet e publikimit janë si më poshtë: • Website – online release; • Kërkesat e shkruara (me postë ose e-mail); • Publikimi vjetor i rezultateve të Vrojtimit i Qumështit dhe Nënprodukteve të tij; • Vjetari Statistikor; • Seksioni kërkesa të dhënash, për përdoruesit e jashtëm.
9. Shpeshtësia e shpërndarjes	
9.1 Shpeshtësia e shpërndarjes	Vrojtimi i Qumështit dhe Nënprodukteve të tij publikohen në baza vjetore.
10. Akses në të dhëna dhe qartësia	
10.1. Njoftim për media	Njoftimi për media përmban informacion në lidhje me treguesit kryesorë të Vrojtimit i Qumështit dhe Nënprodukteve të tij. Njoftimi për shtyp publikohet online në faqen e internetit të INSTAT.
10.2. Publikime	Rezultatet për Vrojtimi i Qumështit dhe Nënprodukteve të tij gjenden të botuara në “Statistikat e Qumështit dhe Nënproduktet e Tij” , “Vjetarin Statistikor” . Përdoruesit mund t’i gjejnë rezultatet në faqen e web-it të INSTAT.

10.3. Baza e të dhënave online	Të dhënat për Vrojtimi i Qumështit dhe Nënprodukteve të tij janë të publikuara në faqen zyrtare të INSTAT, seksioni Databaza .
10.4. Aksesimi në të dhënat mikro	Të dhënat mikro nuk janë publike për përdoruesin si pasojë e ruajtjes së konfidencialitetit. Të dhënat e agreguara, janë lloji i vetëm i të dhënave që ofrohet për përdoruesit e jashtëm. Edhe pse të dhënat mikro nuk publikohen, ato mund të aksesohen në bazë të nenit 34 të Ligjit Nr. 17/2018.
10.5. Të tjera	Përdoruesit mund të dërgojnë kërkesa të tjera specifike për Vrojtimi i Qumështit dhe Nënprodukteve të tij nëpërmjet një seksioni të dedikuar për Kërkesë të dhënash .
10.6. Dokumentimi i metodologjisë	Një shpjegim i shkurtër lidhur me përkufizimet, konceptet kryesore dhe shpjegimet metodologjike për përdoruesit publikohet në njoftimin për shtyp dhe publikimet. Informacione shtesë u jepen përdoruesve të brendshëm kur është e nevojshme. Në faqen e INSTAT ka një seksion lidhur me Metodologjinë mbi Vrojtimi i Qumështit dhe Nënprodukteve të tij.
10.7. Dokumentimi i cilësisë	Sektori i Statistikave të Blegtorisë dhe Peshkimit dokumenton gjithë procesin dhe procedurat për qëllimet e brendshme.
11. Menaxhimi i cilësisë	
11.1. Sigurimi i cilësisë	INSTAT është i angazhuar për sigurimin e cilësisë në prodhimin e statistikave zyrtare. Duke u bazuar në ligjin “ Për Statistikat Zyrtare, Nr. 17/2018 ”, INSTAT përdor metoda dhe procese statistikore në përputhje me parimet dhe standardet shkencore të pranura ndërkombëtarisht, si dhe kryen analiza të vazhdueshme, me qëllim përmirësimin e cilësisë dhe ofrimin e statistikave të përditësuara. Në kryerjen e detyrave të tij, INSTAT ndjek parimet e përgjithshme të menaxhimit të cilësisë, në përputhje me Kodin e Praktikës së Statistikave Evropiane (European Statistical Code of Practice). INSTAT për sigurimin e cilësisë udhëhiqet nga parimet e mëposhtme: paanshmëria, cilësia e proceseve dhe produkteve statistikore, orientimi për përdoruesit, orientimi për punonjësit, efektiviteti i proceseve statistikore dhe reduktimi i ngarkesës së të intervistuarve.
11.2. Vlerësimi i cilësisë	Të dhënat e Vrojtimi i Qumështit dhe Nënprodukteve të tij krahasohen me të dhënat në vitet e mëparshme për të dalluar nëse ka koherencë të dhënash apo ka pasur ndryshime të mëdha. Në rastet e ndryshimeve përdoren të dhënat nga burime të tjera të mundshme për të konfirmuar situatën e rasteve kur hasen diferenca të mëdha të sjelljes së një viti me vitet e tjera.

12. Rëndësia	
12.1. Nevojat e përdoruesit	Përdoruesit mbi Vrojtimi i Qumështit dhe Nënprodukteve të tij janë përdorues të brendshëm dhe të jashtëm, si më poshtë: Përdorues të jashtëm: • Institucione të administratës publike; • Universitetet; • Organizatat jo fitimprurëse kombëtare dhe ndërkombëtare; • Bizneset; • Kërkues, studentë dhe grupe të tjerë të ngjashme. Përdorues të brendshëm janë të gjitha drejtoritë dhe sektorët e INSTAT-it që përdorin statistikat e Vrojtimit të Qumështit dhe Nënprodukteve të Tij si burim informacioni për realizimin e detyrave dhe aktiviteteve të tyre.
12.2. Kënaqësia e përdoruesit	INSTAT kryen çdo vit vrojtimin për Matjen e Kënaqësisë së Përdoruesve, rezultatet e të cilit publikohen në faqen e web-it të INSTAT-it, në linkun Anketa mbi Kënaqësinë e Përdoruesve.
12.3. Plotshmëria	Plotshmëria e të dhënave të Vrojtimi i Qumështit dhe Nënprodukteve të tij për vitin 2025 gjykohet duke krahasuar cilësinë dhe sasinë e treguesve të mbuluar në INSTAT nga ato të rregulloreve të ndjekura. Bazuar në të dhënat e transmetuara, plotshmëria e Tabelës B vlerësohet në 93.28%. Niveli i plotshmërisë të treguesve në nivel të agreguar dhe të detajuar është në përputhje të plotë me Direktivën e Këshillit 96/16/KE e dt. 19.04.1996 për “Vrojtimi i Qumështit dhe Nënprodukteve të tij”.
13. Saktësia dhe besueshmëria	
13.1. Saktësia e përgjithshme	Në përgjithësi, të dhënat janë kontrolluar me vitet e mëparshme për të identifikuar ndonjë ndryshim të rëndësishëm në ecurinë e të dhënave. Në rastet kur hasen ndryshime të dhënat e anketës kontrollohen me burime alternative, nëse ka informacion. Kur nuk ka informacion nga burimet alternative, INSTAT korrigjon ose konfirmon të dhënat duke përdorur e-mail ose duke telefonuar personat që i janë përgjigjur anketës. Masat e marra nga INSTAT çdo vit, për të rritur normat e përgjigjes, ose për të zvogëluar ndikimin e mos përgjigjeve janë si më poshtë: • Të dhënat merren drejtpërdrejt nga ndërmarrja; • Grumbullimi i të dhënave realizohet me metodën PAPI, nëpërmjet intervistës ballë për ballë me anketues me pyetësor në letër; • Stafi anketues është i trajnuar se si të sillen në mënyrë etike me rastet e personave të cilët refuzojnë të përgjigjen;

	• Për shkak të mungesës së sistemit të adresave, shpesh nga anketuesit është e vështirë gjetja e ndërmarrjes. Për këtë arsye, stafi i INSTAT nëpërmjet adresës së e-mail-it ose numrit të telefonit kontakton personin përgjegjës për plotësimin e anketës dhe merr më tepër informacion mbi vendodhjen si edhe datën dhe orën e takimit. • Kur ndërmarrja refuzon të përgjigjet për intervistuesit, një kërkesë zyrtare i drejtohet presidentit të ndërmarrjes, e cila është e nënshkruar nga drejtori i përgjithshëm i INSTAT; • Kërkesë zyrtare dërgohet edhe për ndërmarrje të tjera që pranojnë të përgjigjen vetëm nëse ju kërkohet zyrtarisht informacioni; • Ndërmarrjet ftohen të kontaktojnë zyrat qendrore të Institutit të Statistikave në rast të pyetjeve dhe gjithmonë një staf i kualifikuar është në dispozicion për t'iu përgjigjur pyetjeve të drejtuara nga ndërmarrjet.
13.2. Gabim i kampionimit	Nuk aplikohet pasi nuk është zgjedhje rastësore. Vrojtimi bazohet në një listë të plotë të ndërmarrjeve.
13.3. Gabim jo i kampionimit	Shkalla e përgjigjes është 98.06%. Veprimet për të ulur mos përgjigjen përfshin dërgimin e letrave kujtuese informuese për të anketuarit, thirrje telefonike, ndonjëherë vizita në rast të ndërmarrjeve të mesme ose të mëdha. Në rastin e mos-përgjigjes në nivel njësie, disa metoda vlerësimi përdoren para imputimit: bazuar në rekordin e vitit të kaluar, bazuar në tendencat e prodhimit të kësaj njësie nga fillimi i vitit aktual deri në fund të këtij viti, ose bazuar në trendin e viteve të kaluara të kësaj ndërmarrje. Shkalla e mos-përgjigjes në nivel njësie për 2025 është 1.94%. Në rastin e mos-përgjigjes në nivel variabli, variablat që mungojnë kërkohen nëpërmjet thirrjes telefonike. Gabimet teknike përballen me kontrole automatike të cilat përfshihen në procesin e redaktimit të të dhënave. Shumë kontrole kryhen automatikisht me ndërveprimin njerëzor. Ekzistojnë tabela shumë të hollësishme për t'u kontrolluar secili i intervistuar në nivelin e produktit dhe për të gjetur mospërputhje të mundshme. Ekzistojnë disa kontrole aggregate që kryhen gjithashtu. Të dhënat kontrollohen në nivele të ndryshme të grumbullimeve së pari nga personat përgjegjës për aktivitetet të veçanta, pastaj nga mbikëqyrësit dhe drejtuesi i njësisë përgjegjëse. Mbi-mbulimi ndodh kur ndërmarrja e zgjedhur është në një aktivitet të caktuar objekt i anketimit dhe gjatë procesit të intervistimit ajo nuk është më objekt i anketimit ose statusi i ndërmarrjes ka ndryshuar, nuk është më aktive. Shkalla e mbi-mbulimit për Vrojtimin e Qumështit dhe Nënprodukteve të Tij, për vitin 2025 është 3.43%. Në rastet kur të dhënat nuk mund të sigurohen nga ndërmarrja, ato plotësohen nëpërmjet metodave të imputimit. Shkalla e imputimit për Vrojtimin e Qumështit dhe Nënprodukteve të Tij për vitin 2025 është 0.33%.

14. Afatet kohore dhe përpikëria

14.1. Afatet kohore

Rezultatet e Vrojtimit të Qumështit dhe Nënprodukteve të Tij publikohen 191 ditë pas periudhës referencë (T+191 ditë). Dita e fundit e periudhës referuese për Vrojtimi i Qumështit dhe Nënprodukteve të tij është 31 dhjetori 2025.

Periudha referuese	12/31/2025
Data e publikimit	07/10/2026
Afatet kohore	191

14.2. Përpikëria

Të gjitha afatet kohore respektohen në datat e paracaktuara në kalendarin e botimeve. Publikimi i të dhënave si pjesë e botimeve të ndryshme të INSTAT, ka qenë i përpiktë në kohë në masën 100% të publikime të kryera gjatë viteve.

Periudha referuese	12/31/2025
Data e shpallur	07/10/2026
Data e publikimit	07/10/2026
Vonesa në kohë	0

15. Koherenca dhe Krahaseshmëria

15.1. Krahaseshmëria gjeografike

Të dhënat mbi Vrojtimi i Qumështit dhe Nënprodukteve të tij janë gjithëpërfshirëse, ato prodhohen në nivel vendi.

15.2. Krahaseshmëria kohore

Informacioni statistikor mbi Vrojtimi i Qumështit dhe Nënprodukteve të tij grumbullohet në të njëjtën mënyrë duke datuar nga viti 2014, duke siguruar një krahasueshmëri kohore prej 12 vitesh ($CC2=Jlast-Jfirst+1=12$). Të dhënave ju bëhen kontrole të vazhdueshme për të garantuar krahasueshmërinë e tyre në seri kohore.

15.3. Koherenca e ndërthurjes së fushave

Të dhënat e publikuara në lidhje me Vrojtimin e Qumështit dhe Nënprodukteve të tij mund të gjenden në këto fusha të ndërlidhura si: Vrojtimi Vjetor në Bujqësi apo të dhënat administrative nga Ministria e Bujqësisë dhe Zhvillimit Rural. Pavarësisht ngjashmërisë të treguesve të prodhuar nga këto fusha, duhet theksuar se dallime metodologjike ekzistojnë mes të dhënave.

15.4. Koherenca e brendshme

Konsistenca e brendshme e të dhënave kontrollohet para se të finalizohen. Kontrollohen gjithashtu lidhjet midis variablave dhe koherenca në seri të ndryshme.

16. Kostoja dhe ngarkesa

16.1 Kostoja dhe ngarkesa

Stafi i përfshirë në përgatitjen e Vrojtimi i Qumështit dhe Nënprodukteve të tij përbehet nga:

	• 3 punonjës pranë zyrave qendrore të INSTAT; • Stafi në Zyrat Rajonale, 17 punonjës në total; • Intervistuesit: 30 punonjës; • 1 kontrollor dhe operator dhe 1 punonjës IT.
17. Rishikimi i të dhënave	
17.1. Politika e rishikimit	Politikat e rishikimit bëhen në përputhje me Politikën e Rishikimit si dhe Politikën e Trajtimit të Gabimeve të vendosura nga INSTAT. Për më shumë referohuni: • Politika e revizionimit; • Politika e trajtimit të gabimeve.
17.2. Praktika e rishikimit	Subjektet të cilat dërgojnë të dhënat pranë INSTAT-it mund të raportojnë ndryshime në tabelat e dërguara. Ky informacion do të përditësohet në publikimin e ardhshëm shoqëruar me një shënim sqarues për përdoruesit. Nuk janë kryer rishikime të të dhënave mbi “Vrojtimi i Qumështit dhe Nënprodukteve të tij” për vitin 2025, subjekt i këtij raporti.
18. Përpunimi statistikor	
18.1. Burimi i të dhënave	Si burim i vetëm i mbledhjes së të dhënave është vrojtimi. Popullata në studim për Vrojtimi i Qumështit dhe Nënprodukteve të tij për 2025 përmban 380 ndërmarrje, të cilat janë anketuar tërësisht. Ndërmarrjet e pyetura janë të të gjitha formave ligjore dhe llojeve të pronësisë dhe që grumbullojnë dhe përpunojnë qumësht sipas aktivitetit ekonomik bazuar në NVE Rev.2.1. Nga kjo listë ekzistuese ndërmarrjesh rezultuan aktive 304 ndërmarrje. Instrumenti i mbledhjes së të dhënave përfshin intervistimin e drejtpërdrejtë me pyetësorë letër.
18.2. Shpeshtësia e grumbullimit të të dhënave	Të dhënat e Vrojtimit i Qumështit dhe Nënprodukteve të Tij mblidhen në bazë vjetore. Procesi i mbledhjes së të dhënave në terren kryhet përgjatë një muaji, në periudhën shkurt - mars, në të gjithë territorin e vendit.
18.3. Grumbullimi i të dhënave	Të dhënat e kërkuara për Vrojtimi i Qumështit dhe Nënprodukteve të tij sigurohen nga të gjithë subjektet e regjistruar të cilët realizojnë grumbullimin dhe përpunimin e qumështit (lope, dele, dhi), me intervistim të personit përgjegjës që ka akses në të dhënat ekonomike të ndërmarrjes (ekonomist, financier, drejtor/ administrator/president i kompanisë). Faza përgatitore për grumbullimin e të dhënave është përgatitja e të gjitha materialeve të nevojshme dhe e programeve të hedhjes dhe të përpunimit të të dhënave, përgatitja e pyetësorëve. Duhet që të jenë përcaktuar ndërmarrjet që do intervistohen, numri i nevojshëm i anketuesve dhe duhet të jetë bërë përzgjedhja e tyre. Gjatë trajnimeve të organizuara për anketuesit se si të kryejnë vrojtimin ata gjithashtu ata pajisen me materiale të nevojshme si udhëzuesi i pyetësorit,

	detyrat e anketuesit, lista e aktiviteteve ekonomik, letër njoftimet për ndërmarrjet, laptop-i si dhe bëhet një trajnim si plotësohet një pyetësor me anë të laptop-it duke patur parasysh çështjet teknike informatike, etj. Anketuesit e përfshirë në këtë proces duhet të jenë të komunikueshëm dhe shumë të qartë mbi objektivin dhe informacionin e kërkuar në anketë. Ata duhet të njohin dhe të qartësojnë ndërmarrjen e intervistuar mbi ligjin e konfidencialitetit, i cili mbron të dhënat e tyre të deklaruara për INSTAT dhe që këto të dhëna do të përdoren të grupuara e vetëm për qëllime statistikore. Në procesin e mbledhjes së të dhënave janë të regjistruar çdo gjë e raportuar nga ndërmarrjet. Në rast të paqartësive, ndërmarrja ri-kontaktohet. Në rast të mos-përgjigjes, ndërmarrjes i dërgohet një shkresë zyrtare e nënshkruar nga titullari i Institucionit. Anketuesit i kërkohet të sillet në mënyrë etike në rastet e refuzimeve nga ndërmarrjet. Në rast refuzimi nga ana e subjektit, anketuesit duhet të insistojnë në marrjen e informacionit të kërkuar ose të kërkojnë suportin e stafit kontrollor. Nëse edhe pas këtyre përpjekjeve ndërmarrja sërish refuzon, anketuesi shënon arsyen e refuzimit.
18.4. Vlefshmëria e të dhënave	Sa i përket vlefshmërisë së të dhënave, procedurat e redaktimit të të dhënave në përgjithësi i referohen redaktimit në nivel mikro ose ndryshe në nivel ndërmarrje. Kontrolli i të dhënave të hedhura në program. • Kontrolli i pyetësorëve të hedhur, kontrole të tërësisë së plotësimi, saktësisë së vlerave dhe kontrollit logjik të pyetësorit. Numri i pyetësorëve të hedhur në program duhet të jetë i barabartë me numrin e shpërndarjes së pyetësorëve në qarqe; • Kontrole individuale janë bërë për rastet e refuzimit dhe pa kontakt; • Ndërmarrjet e përgjigjura kontrollohen për koherencën e të dhënave midis seksioneve të ndryshme të pyetësorit. Kontrolli i disa pyetjeve me anë të informacionit që mund të gjendet nga kontaktimi individual i ndërmarrjeve.
18.5. Përpilimi i të dhënave	Gjatë përpunimit të të dhënave që grumbullohen çdo vit nga subjektet që grumbullojnë dhe përpunojnë qumësht, ne kontrollojmë konsistencën e brendshme të të dhënave (përfshirë konsistencën me burimet e tjera) dhe konsistencën me të dhënat nga periudhat e mëparshme. Në rast të mospërputhjeve më të mëdha, të dhënat kontrollohen duke kontaktuar njësitë raportuese. Për përpilimin e rezultateve përdoren dy procedura bazë: a) Analiza e cilësisë së të dhënave e cila shërben për të analizuar cilësinë e të dhënave ku janë aplikuar disa rregulla: ○ Kontrolli matematik dhe logjik i të dhënave të anketës; ○ Krahasimi i të dhënave në seri kohore me vitet pararendëse; ○ Analiza e devijimeve të mëdha nga vlera mesatare. b) Si mos-përgjigje konsiderohen rastet e mëposhtme: ○ Pa kontakt;

	○ Refuzim i plotë; ○ Refuzime të pjesshme, (për tabela apo tregues të veçantë). Për rastet e mos-përgjigjeve duhet të bëhen korrigjime logjike, kur informacioni mund të sigurohet nga variablat e tjerë dhe prioritet u jepet kontakteve të mëtejshme me ndërmarrjet për të mbledhur informacionet që mungojnë. Të dhënat editohen statistikisht me procedurat e duhura të imputimit si psh: imputimet logjike, imputimet mesatare, imputimet historike, etj.
18.6. Rregullimi	Nuk aplikohet.
19. Komentë	
Aneks	